

INUIT ATAQATIGIIT

Inatsisartuni



UPA 2019/185
9. maj 2019
Stine Egede

Nunat Avannarliit Killiit Siunnersuisoqatigiiffiata Savalimmiuni, Kalaallit Nunaanni Islandimilu Naalakkersuisunut kaammattuutigaa nunani avannarlerni killerni oqaatsit siunissaat pillugu suleqatigiinnissaq anguniarlugu pisortatigut oqaloqatigiittarfimmik pilersitsisoqassasoq. Suleqatigiissitamik nunanit ataasiakkaanit aallartitanik inuttalikkamik pilersitsineq alloriarneq siulliussaaq. Nalunaarusiamik nunani ataasiakkaani oqaatsit inissisimanerannik takussutissiiffiusumik siunissamilu periarfissaat pillugu allaaserisanik imaqartumik suliaqarnissaq suleqatigiissitap suliassarissavaa, tamanna pingaartumik qarasaasiarsornikkut ineriertorneq maanna atuuttoq tunngavigalugu.

(Aallartitat siulittaasuat Vivian Motzfeldt)

Nunat Avannarliit Killiit suliaannut atatillugu Nunat Avannarliit Killiit Siunnersuisoqatigiivisa siulittaasuta Vivian Motzfeldt-ip siunnersuutaanut tapersiinerput imattumik oqaaseqarfigissavarput.

Nunat avannarliit killiit innuttaqqortussutsitsigut inuiassuarnut allanut naleqqiulluta inukittunnguvugut, tassami katillita 460.000 sinnilaaginnarpugut.

Nunani pingasuuusuni tamani oqaatsivut suli atorpavut, qujanartumik. Oqaatsitta assiginnginnerat aallaavigalugu, naapinnitsinni annertunerujartortumik tuluit oqaasii atorneqakkajuttarput. Naak, pingaartumik savalimmiormiut, qallunaat oqaasiinik atiuuuarsinnaaneri aallaavigalugit, amerlasuutigut qallunaat oqaasii atorlugit oqaloqatigiissinnaasaraluarluta.

Inuaat ikittunik innuttallit allat assigalugit oqaatsitta siunissami illersornerusariaqalernissaat allaqqussinnaarpasinngilaq. Taamaattumik nunat sanilerisavut peqatigalugit suliniummik, siunissamik oqaattitta piujuannarnissaannik illersuinermut iluaquatasinaassumik aallartitsisoqassarnissaa Inuit Ataqatigiinni toqqisisimanartutut isigaarput. Periarfissat suugaluartulluunniit atortariaqarivut isumaqarpugut, aamma allanit peqateqassagaluaruttaluunniit.

Suleqatigiissitamik, nunanit pineqartunik tamanit peqataaffigineqartunik, oqaatsinillu ilisimasalinnik inuttalerneqartussamik pilersitsinissaq tamakkiisumik Inuit Ataqatigiinni isumaqatigaarput.

Kiisalu suliassatut innersuussutigineqartut tamaasa taperserlugin ataatimiititaliamut susassaqartumut ingerlanneqarnissaa innersuussutigaarput.